

DISCOVER - BIBLE RÁLCHHÁN u ZIRLAI - 26 u PATHIANIN KAN TUNLAI HUN ATÂN THUCHAH BÎK A NEI EM?

DISCOVER

(Bible Ralchhan)

Zirlai - 26
Pathianin Kan Tunlai Hun
Atân Thuchah Bîk
A Nei Em?

Thil chhuichhuahna ațanga a lan dânin,
USA-ah ringawt chuan sakhaw hrang
240-in hna an thawk a. Tin, khawvêl
pumpuah chuan 500 aia tamin an thawk thung

a. Protestant aṭang ngawt pawh hian p̄awl hrang 200 an awm a. Hêng zînga tamberte hi pawl hrang hrangin an in then leh chhawng a. Entîrnân Baptist kohhran ringawt pawh hi chi hrang sawmhni leh panga an awm a ni.

Vawikhat pheî chu Anglican Bishop chuan, “Khawthlang lamah chuan Kristiante in then darhna hi kan chak lohna bulpui ber a ni, Kristian lote ramah lah harsatna siamtu a ni bawk a.” tiin a sawi a. He Bishop hian Hindu aṭangte ring tharten Krista hnung zui an tuma kohhran hrang hrang zawm tûr bik chungchânga harsatna an tawh thinte aṭangin a sawi a ni ngei ang.

Chutiang taka rinna darhsarhin chiaiana a siam theih avângin Bible chuan hun tâwpa khawvêl kohhran chu “Babulon” a vuah a ni. (Thupuan 14:8). Babel in sâng aṭanga ṭawng danglam kha zuiin Babulon chu Hebrai ṭawng “Balal” nêan an lo infin a, a awmzia chu ‘tibuai’ tihna a ni. Heti taka inhnialna mak leh inelhote aṭang hian engtin nge thudik chauhrawn zawng tu chuan sakhaw hrisêl leh dik chu a hmuh theih mai ang?

1. ENG SAKHUA BER HIAN NGE CHHANDAM THEI?

Raman Umashankar chu Brahmin chhûngkua aṭanga lo piang a ni a. A naupan têt aṭangin a ute chuan Pathian a ni tih an zirtîr thîn a, a pathianna chu hre thiam tûrin insûmtheihna leh ngaihtuah dânte chu a zir a ngai a. Amaherawhchu a tleirâwl ṭan dâwn chauhtih chuan Hindu Temple a milem hrang hrang an biakna te chua pathian a hmuhtîr tak tak a ngem tiin a ngaihtuah fo thîn a ni.

Nakinah chuan Raman chu USA-ah pemin Bible chu zirin Krista phut te pawh chu a buk vêl a. Isua chu a inngaihtlâwmna avângin a ngaisang a, mahse tûnah chuan chu Isua chuan Pathian Fapa nih a chuh a ni tih a hre ta a. Tin, Kristian tam takte chuan kum tam tak chhûng pawha zawn hmuh phâk loh an nei tlatin a hria a. Mahse chutichung pawh chuan Raman chuan Hindu sakhua atângin thu dik chu zawn chhuah ala tum ta cheu va.

Krista nun entîrna cinema a han hmuh meuh chuan Isua meuh pawhin mihringte ang chiahin tawrhna leh hlauhna pawh a lo nei ve a ni tih a hmu chhuak ta a. Tun hma kha chuan Isua hian an khenbehna nate kha a pathianna chakna hmanga nâ kha hre lovah a lo ngai thîn a. Tûnah zet chuan kraws awmzia chu a hrefiah thiam ta hauh lo mai. A ngaihtuaha engtin nge Isua chuan misualte tân khati taka a tuar theih le?

Chutia Krista thih dân chu a ngaihtuah zui zêl lai chuan Ramana chu Chuti taka hmangaihna lantîrna chuan a rawn chîm a. Brahmin a nihna awhawm tak chu kalsanin Isua, a nunna chhandamtu Krista hnênah chuan a nunna chu a pe ta a. Krista hmangaihna nêna tehkhin ralah chuan engkim mai hi a sawprawp vek a ni. Raman chuan a ti hial a ni. He Brahmin tlangval hian kristianna laimu hmu a chhuaka chu chu, Krista, khawvêl chhandamtu hi a ni. Amah chu Chhandamna atâna kawng awm chhun chu a ni.

“Mi dang tuma hnênah chhandamna a awm lova; vâh hnuai hming sak zingan, min chhandam tûr hming dang reng a awm lo.” TT 4:12.

Bible chuan sualah kan tlu tih chiang deuhvin min hriilh a, chu mi avâng chuan hrem tûr ka ni a chu hremna

chu thihna a ni. (Rom 6:23). Mi zawng zawngin thil an tisuak vek a (Rom 3:23) chuvângin mi zawng zawng chu thi tûr an ni. Kan vai hian sual thiam lohna laka chhanchhuah kan ngai vek a ni. Isua hi min chhanchuak thei leh a thei awm chhun chu a ni.

“He chanchin Tha avâng hian chhandam inni..... Pathian lehkha thute angin Krista chu kan tân a thi a, ...phûmin a awm a, a nithum nâh kaihthawhin a awm.” 1 Korinth 15:2-4) NIV.

Sakhua in min chhandam lo, kohhranin min chhandam bawk hek lo. Isua Isua chauhvîn min chhandam a ni. Chatuana nunnakan nei ang. **Tin, keiin nikin nâh chuan ka kai tho vang.” Johana 6:4 (NIV).**

Petera chuan Isua hnênah,

“Krista, Pathian nung Fapa chu i ni,” a ti a.

Rinnaa inpuanna chu chhângin Isua chuan,

“He lungpui chungah hian ka kohhranho ka rem chho vang,” a ti a. Matthaia 16:18.

Kristaa rinna hi sakhaw dik inngahna chu a ni chu chu kohhrante rem chhohna lungpui chu a ni. Pathian pakhat chu chu Pa leh Lalpa pakhat, chu pawh chu Isua Krista kan chhandamtu a awm a ni. (1 Kor 8:16). Chutiang bawkin sakhaw dik pawh pakhat chauh a awm a ni.

Lalpa pakhat, rinna hmunkhat, baptisma hmun khat Eph. 4:5.

Kristianna hian thu dik Pathian Thuin a sawi angin a zirtîr a ni. Isuan,

“Pathian lehkha in chhiar ngun thîn, a chhûngah chatuana nunna awma i rin avângin, chung Lehkha chu ka chanchin hriattîrtu chu a ni si a.” Joh 5:39.

2. PATHIAN HIAN KAN HUN ATAN THUCHAH BIK A NEI EM?

Pathian chuan hun tâwpa Kristiante tân hian thuchah bik a nei teh reng mai. Vântirhkoh thuchah pathum chu Thupuan 14:6-16 ah hian a lang a. Châng 14-16-ah chuan, he thuchah pathum (chang thum) te hi khawvêl pumpuia puan darh a nihnuah Krista chu tlansate lawr tûrin a lo kal tawh ang.

“Tin, ka han en a, tin, ngai teh, chhûm vâr ka hmu a; tin, chhûm chungah chuan mihring fapa ang tak hi rangkachak lallukhum khuma favah hriam tak kenga ðu ka hmu bawk a. Tin, vântirhkoh dang Pathian biak in aţangin a lo chhuaka, chhûm chungah ðu hnênah chuan aw ring takin, I favah kha phawrh la ât rawh, ah a hun tawh si a; lei buh khu a ngui tawh khu,” a ti a. Tichaun chhûm chungah ðu chuan, a favah chu leiah a thlâk a lei buh chu an ât ta a.” Thup 14:14-16.

Vântirhkohte pathumte thupuan chu Isua lo kallehna chuan a rawn zawm a. Pathian thu chuan hêng thuchahte hi vântirhkoh pathumte hmanga puan angin a entîr nâa, a takah chuan he khawvêla he thupuang darhtu tûrte chu Pathian mite an ni ang. Hêng vânlam thuchah pathumte hi a mal malin i han chhui teh ang.

1. VANTIRHKOH HMASABER THUCHAH

“Tin, leia awmte hnênah leh hnamtin te, chi tinrêngte ðawng tinrêngte mi tinrêngte hnêna tlângau



pui tûra chatuana chanchin ʈha nei vântirhkoh dang vên lai zâwla thlâwk ka hmu a. Tin, a ni chuan aw ring takin, “A rorêl hun chu a lo thlen tak avângin Pathian chu hlau ula, chawimawi rawh u, vên te, lei te, tuifinriat te, tuihna te siamtu chu chibai bûk rawh u,” a ti a. Thup 14:6,7.

Pathian mite chuan Chanchin ʈha thar an puang dâwn a ni lo, amaherawhchu chatuana chanchin ʈha chu hnam tinrêng te chi tinrêng te ʈawng tinrêng te leh mi tinrêng te hnênah an puang dâwn a ni. Hun tâwp atân hian Pathian chuan thuchah bîk a nei a ni mai thei a, chuvângin Isua Krista chatuan Chanchin ʈha chu uar tûr a nih anga uar lova kan awm loh nân leh kan tih chingpen loh nân kan fimkhur tûr a ni. He chatuan Chanchin ʈha hi Pathian miten Thuthlung Hlui hun lai pawha rinna an lo pawm tho kha a ni. (Heb 3:16-4:2; 11:1-40); Hei tho hi Isua pawhin a rawn puan, Krista tâna khawvêl hnehna tûra zirtîrte pawhin an zirtîr tho, Kristianten kum zabi tam tak chhûnga an lo tlângaupui Chanchin ʈha tho kha a ni.

Chanchin ʈha fîm, mite chhandamna Krista Chanchin ʈha hi “Hun Thim” chhûng kum sâng chuang ngawt mai chu kohhran aʈangin a bo hman ʈhelh a, mahse Siamʈhatna hna chuan a rawn tinung leh ta a, tûnah chuan Pathian miten khawvêlah an puang darh leh ta a ni.

Vântirhkoh hmasa ber chuan he Chanchin ʈha thuchah pangngai tho hi kawng dangin a rawn puang ta a. Chu chu khawvêl pumpui tân Isua lo kal vawi 2-na hma, hun tâwpa chêngte tân a ni.

He thuchah pawmtute chuan Pathian chu hlauva


chibai bük tûra koh an ni tih an hria. A nungchang chu puangzarin chibai an bük ang. An hruaipuina nung chuan Pathian nungchang hmangaihnaa khat chu khawvêlah an puang darh ang. Mihring, Krista Thlarauva tikhkahte hmang hian Pathian chuan eng nge a tihtheih tih ngaihnaawm takte chu khawvêlah an puang dâwn a ni.

Hêng vântirhkoh pathum thuchahte hi engtikah nge khawvêl zawng zawng puang chhuah an nih? A rorêlna hun chu a lo thlen hunah. Kaihhruai 12-na chuan Isua chuan a lo kal leh hmâa a rorêlna chu 1844 khân a tam tawh tih thu min zirtîr a. Isua chuan khawvêla mite chu Thupuan bung 14 thu chu puang tûrin a tiharh a ni.

He thuchah hian lei leh vânte siamtu chu chibai bük tûrin min sâwm a (Thup 14:7). Pathian chuan Chawlni (Sabbath) chu thianghlim taka serh tûr a nih hrereng tûrin min hrih a, niruk chhûngin Lalpa chuan lei leh vânte chu a siam a ni tih kan hriat nân. (Ex 20:8-11). Kum 1844-a Darwin an a rindân thar (Theory of Evolution) a puang chuan Pathian pawhin a mite chu Siamtu a nih anga chibai bük tûrin a ko a ni. Heta tâng hian he rindân thar hian Pathian lehkha thuneihna chu a rawn vau a, vântirhkoh pathum thuchahte hriltu te chuan, nisarihna chawlnî chu Pathian thu a nih an hmu chhuak a, lei leh vânte siamtu Chawimawi nân an serh ta a ni.

2. VANTIRHKOH PAHNIHNA THUCHAH

Tin, vântirhkoh dang a pahnihna chuan “Babulon khaw ropui, a mi ngaih chîn avânga



thinurna uain hnam zawng zawng intîrtu chu a tlawm a, a tlawm ta,” tiin a rawn zui a. Thup 14:8.

Pathian thuchah pahnihna chuan sakhua naa inpawmtawna (compromise) hi nasa takin a do a ni. Thupuan bung 17 hian thlarau lama Babulon chanchin a târlang a. Chutah chuan rinna kalsantu kohhran chu hmeichhe nawhchi zuar angin a sawi a ni. (Châng 5). He hmeichhia hi bung 12-a hmeichhe thianghlim kohhran dik aiawhtu letling (dodaltu) chiah kha a ni.

Vântirhkoh pahnihna chuan tlu ta chu Babulon khaw ropui a nih thu a rawn hriattîr a. Babulon ai rawn awhtu hmeichhia chu inngaihna (inzawmna diklo, tenawm) hnam zawng zawng intîrtu chu a ni a. Rinna diklo uain (chi) chuan kristianna lem a siam chhuak a. Chuvângin vântirhkoh pahnihna thuchah chuan Pathian mite chu thutak tlûksantute zirtîrna diklo, thu dik hmuhtîr theilotu chu hnar tûrin a sâwm a ni.

Babulon hian kawng hrang hranga thudik kal san kristiante ai a awh a ni. Chanchin T̄ha a ni lo zawng a her kawihna avânga mi tam tak kalsualna chu dân ngaihsâna hi a ni. Chu mi awmzia chu kan thiltih t̄hat avânga chhandam nih inbeiseina hi, lehlama a tlukupui chu khawngaihna la lek zawng rinna hi a ni. Hei hian Chanchin T̄ha hnathawh hmangaihna vânga Krista duhzâwng (thuawihna) a nun hi a kalh a ni.

Pathian chuan mite chu Babulon ațanga lo chhuak tûrin a ko va. (Thup 18:4). Tin, thinlung taka Krista rawngbâwl tûrin a ko bawk a ni. Rinna avânga thuawih theihna entîr t̄hin a rawngbâwltu a duh a ni.

Pathian chuan a mite chu thlarau Babulon ațanga


lo chhuak a, a zirtîr diktak kristaa inngat leh Pathian Thua a zirtîrna zâwmtu ni tûrin a duh a ni. Krista rinna avânga Pathian thupêkte chu zâwm tûrin min duh a ni. (Thup 14:12).

Babulon erawh chuan suahsualna lam a kawhmmuh a. Entîrnân : Sakhua hruaitute Bible-a zirtîrna eng hi nge zawm zêl tûr nia, eng hi nge zawm loh tûr tih ruat chawptute hi. Tunlai hian mi tam tak chuan Kristianna tlangtla hi an thlang tawh a ni.... Ka kalphung tibuai lo tâwk min pe rawh ka nihna tibahlah tûrin Sinai tlâng ațanga thupêk tih danglam chi lohte chu min pe suh,” tih hi an duh dân niin a lang.

Babulon hian Pathian chungchânga ngaihdân diklo tak a tih avângin a hlauhawm êm êm a ni. Pathian nihphung chu a diklo zâwnga phuba lak ching te in a entîr a. Kohhran dik chuan Pathian nihna zawng zawng te chu entîrin a nihphung tinrêngte in chawih tâwk dân a dikna leh zahngaihna, a lalna leh rawngbâwltu a nihna engkimtithêi ni a, insûm thei hêng zawng zawng hi thu dik pakhatah an infin khâwm vek a, chu chu Pathian chu hmangaihna a ni tihah hian. Babulon ațanga la chhuakte chuan Bible anga zirtîrna lo chu an hnawl a, Pathian chu a thuin a puan angin an bia a ni.

3 VANTIRHKOH PATHUMNA THUCHAH

Tin, vântirhkoh dang a pathumna chuan aw ring takin, Tupawhin sakawlh leh a lem chibai bûkin an chalah emaw an kutah emaw



chhinchhiahna an neih chuan chu mite ngei chuan Pathian thinurna uain, a thinurna nova engmah pawlh lohva siam chu an in ang a, chung mite nghaisakna meikhu chu chatuanin a chho vang a, sakawlh leh a lem chibai bûktute, a hming chhinchhiahna nei apiangte pawh chuan achhun azânin chawlh reng an nei lo vang. Mi thianghlim Pathian thupêk âwihtute leh Isua zuitu (ringtu) rinawmte tân hetah hian chhel a ãulzia a lang.” Thup 14:9-12.

Vântirhkoh pathumna thuchah chuan, thutâwp siamna a phût a ni. Khawvêl pumpui hi hmunhnihah a then a. Kil khatah chuan Kristian kalsual sakawlh leh a lem chibai bûka a hming chhinchhiahna neite an awm a, a lehlamah chuan sakawlh thuneihna hnawltute an awm thung a. Hêngte hi mi thianghlim Pathian thupêkte zâwma Isua tâna rinawmte an ni.

He mi chihnihte in an loh dân hi en chiang teh. Sakawlh chhinchhiahna neite chu mihringte ngaihdân leh tihdân awlsam taka pawm vetu hi an ni. Anmahni tichiang tûrin mithianghlimte chuan danglamna bîk an nei a, chu chhelnâ Pathian Thupêkte zawmna leh Isua chungâ rinawmna a ni. Pathian chuan Daniela chu a enkawl a, chu Pathian Thupuan chhuah chuan sakawlh chanchin, a lim leh a chhinchhiahte chu chiang takin a sawi a ni. He kaihhruainah hi chuan tawite in he thuchah pathumna pawimawh dân hi kan sawi chauh vang.

3. KRISTA NI HNUHNUNG KOHRAN

Kristian rinawm leh nghet tak hi i ngaina em? A inpêkna te, dawhtheihna te leh a rinna te? Chutiang

thlarau lam nun chu i awt ve em? Pathian chuan kan tunlai hun atâna thuchah bîk hi Thupuan bung 14-ah hian a pe a, chutiang nun chu a thleng thei a ni.

Kaihhruai 25-naa kan zir ang khân, thupuan 12:17 hian nihnuhnûnga Kristiante chu, Pathian thupêkte zawmtu leh Isua hriattîrna thu pawmtute tiin a sawi a. Thupuan 14:12 chuan hêng mite vek hi, mithianghlim Pathian thupêkte zâwmtu leh Isuaa rinawmte,” tiin a sawi a ni. Chutichuan ni hnuhnûnga Kristiante nundân i han thlîr teh ang.

1. Isua hriattîrna thu an pawm. Setanan a thinurna a han chhak chhuak teh pawhin, Isua chungah chuan an rinawm tho mai a ni. Chhandamtu khân vâna a lâwn hmain, Thlarau Thianghlim thilpêk a tiam a. Rinnaa Kristiante thinlunga chen reng pawh a tiam bawk a. Chhandamtu chuan ni hnuhnûnga Pathian kohhrante hmanga a enna te, hmangaihna te, leh thiltihtheihna te chu khawvêla lantîr a duh a ni. An rinna chu anmahni thawh chhuah ni lovin Pathian thilpêk a ni. (Eph 2:8). Krista nihna chu an hmu Chiang tawlh tawlh a rinnain Krista chenchilhte chakna lantîrtu an ni.

2. Pathian thupêkte zâwmtu leh Isua hriattîrna pawmtute an ni. (Thup 14:12 KJV). Tin, Kristaa rinawmte a tih theih bawk. (NIV). King James Version (Bible) ah chuan “Pathian thupêk âwihtute leh Isua hriattîrna pawmtute (Isua zuitu rinawmte) tih a ni. Ni hnuhnûnga kohhran chuan Isuan a pa a ring thîn anga anni pawhin Pahtian an rin ve a ngai a ni. Isuan rinna a neihte, rinna a zirtir thinte, rinna a nun puitlin (ang) te khân an thinlung a tikhat tûr a ni. Ni hnuhnûnga ringtute chuan thudik an nei mai ni lovin, thu dik chu an zâwm a

ni. An tân sakhuana chu nunna ni a, rinna chu a taka hman nghal theih leh thuâwihna nêna in zawm tlat a ni. Mitinin Krista rinna chu an nunpuia Krista chuan an nun chu a kaihhruai tawh avângin Pathian Thu angin an nung thei ta a ni. An chetzia zawng zawngte pawh rinna avânga Pathian duhdân kawnga tihmam an ni ta a, hei hi rinna zâra felna nun tih theih bawh a ni. Hêng mite hian Samuel Johnsonan, “Pathian rinna vânga thlamuanna hmuh beiseitute chuan a (Pathian) thu an âwih tûr a ni,” tia kum zabi 18-a a sawi chu an hmu a chhuak daih tawh a ni.

3. Isuaah chuan an rinawm a ni (NIV) Bible zirtîrna ropui, nitin nunnaa lak duh hian kristian nun chaktak a siam thîn tih an hriat vâng a ni. Bible thudikte chuan Pathian hmangaihna, leh Krista tân a nunna, mitin thinlung mamawh leh duh zawng te chu a pe thei tih an hria a ni.

4. Pathian Thupêkte an zâwm. Chu chu Thusâwm pêk, Pathian Dânte kan tih chu a ni. Chhia leh tha hriatna nei tha, mipuitling an nih avângin, thil dang zawng zawng aia, Pathian duhzâwng ngai pawimawh berte an ni, chu chu ti tûra a duh apiangte tihna a ni. Pathian leh mihring chung a hmangaihna te chu Pathian thupêkte zawmnain an lantîr a chu chuan thupêk palîna, min Siamtu chu chawlhni (Inrinni) a chibai bûk tûra min hrih tu chu a huama chu chawlhni thianghlim chu kêr khata ni 7-na hi a ni.

5. Khawvêl pumpuiah Chatuan Chanchin Tha thuchah chu an puang darh bawh. (Thup. 14:6). Chanchin Thain سوالنا chuan mihringte chu Pathian lak aţangin a thenhrang tih min hrih a, amaherawh chu

Pathian nêna inzawm tharna kan neih leh theihna tûrin Krista chu kan sualte tân thiin thlân ațangin a tho leh tawh a ni. Isua thihna leh thawhleha chuan Pathian leh mihringte inkâra inzawm thar lehna a siam a. Chu chu kan tân damna leh chakna a ni. Kum 1844 ațanga vâna rorêlâna a ințan ațang khân ni hnuhnunga Krista kohhrante chuan ramtin ațanga mite chu sakhaw thu a chiaina ațanga lo chhuak a, Bible thudik ang zêla Krista nêna inzawmna nei tûrin a sâwm a ni.

6. Buhte an hmîna, buhseng a hun tawh avângin an hmanhmawh a ni. (Thup 14:15). Sual hnathawh chu a reh lek lek tawh a, thlarau lama thimna pawh a ral dawn ta, khawvêl tâwpna pawh a hnai tawh a, mahse chhiarsen loh ten Krista an la hmu si lo. Hei tak hi hmanhmawh tirtu chu a ni.

7. Pathianin tihțur a pêk chuan an mahni a luah khat a ni. Babulon khaw ropui chu a tlâwm tâk avângin, rinna chungchângah harsatna neite hnênah chuan, “Ka mite u, a chhông ata kha lo chhuak rawh u,” Pathinin a tih chu an puang darh a ni. (Thuf 18:4). Krista nêna inzawmna dawn chu an mahni chauha neih fal chu an duh lo. Kristan an rinna leh hlimna chu ramtina mite hriattîr ve an duh a ni. Hêng mite thil dawn hi thil țha leh rah chhuah thei, anmahni leh he khawvêl chhe tawh tak kêra Pathian thuchah kengtu nêna inpâwlhona te hi an ni.

Hêng zawnzawnzawn leh thil dangte pawhin ni hnuhnunga Kristian tam tak Thupuanin a sawite chu a ti hlim ang. An lawmna chuan Johanan a sâwmna che:

Chumi kan hmuh leh kan hraitâ chu in hnênah kan hrilh ve che u a nih hi, nangni pawhin min pâwl

ve theih nân; keini min pâwlna chu Pa leh a Fapa Isua Krista pâwlna ni tawh reng si a. Tichuan, kan lâwm a famkim theih nân hêngthute hi ka han ziak a ni.’ 1 Joh 1:3,4 hi a ni a.

A thlarau leh a kohhrante hmangin Isua chuan a hnêna lo kal a, in pumpêk tûrin a sâwm che a ni.

Thlarau leh mo chuan, lo kal rawh, an ti a, a hria apiangin “Lo kal rawh, ti rawh se, tuihal apiang lokal rawh se; a duh apiangin nunna tui hi a thlâwnin la rawh se.” Thuf 22:17.

4. BUHSENG CHIHNIH.

Vântirhkoh pathumte thu chah chu a bul aţanga a tâwp thlenga buh hmin seng tûra Isua a lokal hunah a tâwp ang. (Thuf 14:14-16). Isua chuan chhandam fa zawng zawngte chu seng khâwmin vânah a hruai haw ang a. (Joh 14;1-3). Sualnate, natna te, vanduaina te leh thihna te pawh an vaiin a titâwp tawh ang. Mithianghlim te chuan an nun thar chu ama bulah an hmang tawh ang a, nitinin a hmâa mak leh duhawm zâwk chatuanin an tawng dâwn a ni. (Thuf 21:1-4).

Isua chuan a lo kal hunah misualte pawh a seng khâwm ve ang.

Tin, vântirhkoh dang nêna Pathian biak in aţangin a lo chhuk leh a, ani pawh chuan favah hriam tak a keng baw a. Tin, vântirhkoh dang ... chuan aw ring takin, “I favah hriam tak kha phawrh la, leia grep hruirah bawrte khu zuk ât rawh; grape rahte khu a hmin ţuah tawh khu,” tiin favah kengtu

chu a auva. Tichuan vântirhkoh chuan a favah chu leiah a thlâk a, leia grape rah chu a ât a. Grape sawrna khur zau tak, Pathian thinurna grape sawrna khurah chuan a theh lut a. Tin, khawpâwn lama grape sawrna khurah chuan an rap sawra, tichuan grep sawr khur atang chuan thisen a lo chhuak a, fîng 1,600 chen, nghawng thleng a thûk a ni.” Thup 14:17-20.

Tun hi duhthlanna hun chu a ni a, tun hi chhandamna ni chu a ni. Pathian khawngaihna chu sâwtpui lova in hnuh lohna tûrin, amah thawhpuiin kan ngen chiam a che u. Hun lâwmawmah ka ngaithla che a, chhandamna nîah ka tanpui che,” a ti si. 1 Kor 6:1,2.

He chângin a tum chu a chiang khawp mai. Isua chuan thîra an khenna chu pharin, mi thianghlim Pathian thupêkte zâwma Isua hriattîrna thu zâwmtu (amaha rinawm) te zînga tel ve tûrin a ngen che a. (Thup 14:12). A lehlamah chuan mihring ngaihdân hmanga a pawng a puia Bible leh Pathian thupêk zawng zawngte zawm famkim hi a ÷ul lem lo” titu a lehlamah chuan an awm ve a.

Pilata rorêlna kawtah chuan hetiang deuh hian mipui an buai tawh a. Kilkhatah chuan Mihring Fapa, Isua, Pathian Fapa mihring anga awm chu a awm a, a lehlamah chuan. Baraba, misual amah leh amah engmah in tihthei lo, a awm bawk a. “Pilatan “A tu zâwk hi nge ka chhuah sak zâwk dâwn che u?” a han ti a mipui thinrim au aw chuan, “Barnaba!” an ti a ni.

“Anih leh Isua Krista an tih hi engtin nge ka tih ang?” Pilatan a han tih chuan, aw thuhmunin, “Khengbet

rawh!” an ti thung a ni. Tichuan, pawisawilo, Isua chu an kheng bet ta a, Baraba, misual erawh chu a chhuak ta a ni. (Mat 27:20:26 Waymouth Translation). Vawiin hian A tu zâwk kha nge nang i thlan? Baraba nge Isua? Mihringte siam chawp ngaihdân leh zirtîrna Pathian Thupêkte kalh leh chatuan chanchin Ṭha kalah hi nge zui i tuma, Pathian thupêkte zâwma Isuaa rinawm taka awm reng hi? (Isua hriattirna thupawmtu rinawm tak nih hi). Anî chu i buaina tinrêng chinfel tûr te, i rilru natna zawng zawng tidam a, i mamawh (i duhzâwng) zawng zawng pe tûr che a, A thlarau Thianghlim pêk min tiamtu kha hre reng ang che.

Kan Pa duhtak vâna mi; Thil dang zawng zawng aiin nangmah chawimawi leh faka i kebula kun ka duh ber a. I lama țang tûrin nghet taka din ka duh a ni. Tun hun tâwpah hian I thupêkte zâwmtu zînga mi nih ka duh ve a, I vânrâma ka awm ve hun tûr nî ka nghakhlel a ni. Chu chu kan tân i tuarna ropui tak ațang chauhvîn a theih a ni tih ka hria. Khawngaihin i mi sâwmna thu ka pawm a. Tin, ka nunna Hotuber ni tûrin ka sâwm che a. Hêng zawng zawng hi Lal Isua hmingin ka dil a che. Amen.

Published by:
Mizo Conference of Seventh-day Adventists,
Seventh-day Tlâng,
P.O. Box 97, Aizâwl 796 001, Mizoram